

17/08/1997

Agong utus ucapan tahniah

KUALA LUMPUR: Yang di-Pertuan Agong Tuanku Ja'afar dan Raja Permaisuri Agong Tuanku Najihah mengucapkan tahniah kepada Presiden Suharto dan rakyat Indonesia sempena sambutan ulang tahun ke-52 kemerdekaan republik itu.

Tuanku Ja'afar berharap hubungan dua hala yang rapat dapat dipertingkatkan lagi dengan berlandaskan semangat persaudaraan serta kejiwaan demi kesejahteraan kedua-dua negara.

Perdana Menteri Datuk Seri Dr Mahathir Mohamad turut mengucapkan tahniah kepada Presiden Suharto dan berharap persahabatan dan persaudaraan di antara rakyat Malaysia dan Indonesia dapat dipertingkatkan.

Dr Mahathir berdoa semoga Presiden Suharto dan seluruh rakyat Indonesia diberkati Allah dan Indonesia terus maju serta makmur.

Timbalan Perdana Menteri Datuk Seri Anwar Ibrahim turut mengambil kesempatan mengucapkan tahniah kepada Naib Presiden Indonesia, Try Sutrisno.

(END)